



't Gezetsje 2013

40^{ste} Oetgaaf

"Gekke krant" veur 't BEMELER-LAND
Bemele

't Gehuch



't Gastes

't Wolfshoes 't Rooth
Carnavalsvereniging
"De BERGGEITTE"
Bemelen

Preens Jos I & Prinses Hannie



Noe iech dit zit te sjrieve is de zitting veurbie, en ouch den tied dat iech Preens höb maoge zien vaan de Berggeitte löp noe bienao op zien eind. Ut kleenk eigelik wie unne cliché, mer es bienao awd Preens vaan ut Berggeitteriek kin iech truuk kieke op un fantasties jaor. Ut begoes al toen ze miech koume vraoge, dat waor tog waal effe srijkke, iech dach hie zien ter e paar good in de war, en daorum haw iech ouch gevraag um miech effe te bedeenken, dat höb iech tog mer neet te lang gedoon, en doa höb iech gaaroet geine sjpiet van gehad. Veur ut oetroope haw ste al de binnesjpas es ekerein aan ut vusche waor weh de nuije Preens zow weure. En vanaaf ut oetroope ging ut hielemaol los; in ein woord geweldig. Al die geziechter die verrast waore en aoch blie veur miech waore dat de Berggeitte miech ein jaor es hunne Preens welde. In de twee weke tösse ut oetroope en de vastelaovend waor ut ein groet gekkehoes, de buurt en familie höbbe ut hoes verseerd, de awd preense koume de vlag ophange, de zoepnaze brachten ein serenaad en de raad how e groet bord bie zich um bove de paort te haange. De filicitaties, blomme, beerpakkitte, mer veural ouch alle bezeuk, ut waor gewoon geweldig. En euvral boe iech mit miene raad kaom, waor ut ein groet fees.

Hugo haw aangeboje um eine preensewagel mit oet te zeuke, meh toen iech der groetste en veural hoegste wagel haw oetgekoze kretste deh ziech achter zien oere, en de zaogs um deenke, dat geit neet lukke. Op de bemelerberg höbbe ze mit de motorzaeg nog get tek motte wegzaegen.

Die vaan Vallekeberg höbbe doa nog get vaan gelierd, want mit ut W.K. fietserenne höbbe die dat nog ins dunnekes euvergedaon op de rieksweeg in Vilt. Op deensdig woar de groete daag, eine Hiele lange optoch mit wagels oet alle dörper in de buurt, en ouch vööl groepe, einzelgängers oet os eige dörrep, en veural sjiek van de jeug die ut aangedörf hawwe um zelf eine wagel te bouwe.

De babbelere die ver gekrege houwe um oet te goeien, dat waore tuutte vol, méh es ut aan mien Prinses gelege how waore die bie de camping al op. Mer in eker geval d'n optoch waor geweldig en ut

oetziech fantasties, en de wagel déh sjogkelde jonge wat waar dat sjiek. Noa den optoch ut feeske in de groete geitestal, ut waar volle bak. En mit Max es D.J. nog e paar eurkes volle gaas. Op asselegoonsdag waar alles al weer vööl te snel veurbie, mer tog waar ut good um te zien dat de kirrek vol zaot mit alle die karnavalvierders, die nao het askruuske hole, bie Paul en Marij unne fantastische karnaval höbbe aafgeslote mit ein of twee hieringe en e paar pélskes.

Mit d'n elfde vaan de elfde woort ut létste stukske vaan miene Preensetied gestart, en ouch hie woare de zoepnaze weer good vaan de partij mit ein schitterend optreje. De hiezezieting op de camping, die ut veurig jaor veur den ierste kier georganiseerd waar, hét dit jaor ein geweldig vervolg gekrege mit ein fantastische artiestenparade. En of dit nog neet genug waar höbbe Jef en Maria van de Camping dit jaor ouch nog ein dameszitting georganiseerd, boe iech dan waal neet bie mog zien, mer mien Prinses is dao waal volledig oet häöre bol kinne goon. Tot veer nao twelf oor uoch nao binne mochte, dan keump ste pas ech in eine geitestal. Iech kiek noe truuk op ein geweldige zieting mit gooj artieste en sjieke optrejjes van de drumband en vrowlui oet os eige dörrep, meh veural de dansgroep oet Bolivia waar veur miech totaal onverwach. Al mit al kin iech truukkieke op ein fantasties jaor woebij iech ekerein wel bedaanke dé dit mäögelijk hét gemak. Iech höb dan ouch al déks gezag, karnaval viere veer al jaore, méh dizze vergiets ste noets mie.


Veer weense ut nuij preense paar net zoe veul spas en plezeer es veer höbbe gehad.

Carnaval alaaf

Biëmele alaaf

Berggeitte alaaf

Preens Jos 1 en Prinses Hannie



Besjummingsplan Groeve 'Rooth oetgelek.



In navolging van de ontwikkeling en bouw van t multifunctioneel accommodatie in Mergraote zeen noe ouch de plannen oetgelek veur un multifunctioneel vakantieresort dat gebouwd mot goon weure in Bemele. Houw de gemeente bee de planning van het centrum in Mergraote un probleem met un gaat in de hand, noe zaote zee in de maag met gewoen un gaat dat opgevuld mos gaon weure. Hoewel de gemeente d'r in ierste instantie gein gaat in zaog bliek dat de gemeente toch neet veur ein gaat te vangen te zeen en houwe zee in de gaten dat dit project toch un gaat in de merret is.

Es Ankersmit oetgegrave is op t Gastes en t Rooth blijf de gemeente zitte met un groot gaat. Aangezeen zee al un groot gaat houwe (in de begroeting) wille zee eigenlijk zoe sjnel meugelik van dit gaat aaf. Noe kinne veer met 't geauwheoor van de Gemeinte waal ganse carnavalsgezetsjes vulle, mer gein gaate en zeker neet zoen groete. Daorum hōbbe zee noe t plan opgevat um hei un multifunctioneel vakantieresort te bouwe. Veurdeil is dat d'r in eeder geval gein fundering gegrave hoof te weure.

De foto's op dees pagina laote al un impressie zeen van wie 't d'r oeteindelik mot komme oet te zeen. Um de bouw weijer financieel meugelik te maken is contact gezocht met de plaatselijke middesjtand. Zoe zeen d'r al afsjprake euver de oetbating van 't hotelgedeelte dat goon luustere nao de naam "Hotel Lookrust". Ut groete dreij sjterre restaurant

dat behalve a la carte ouch sjuif mer aan maaltijden zal serveren zal restaurant "De Baskoul" goon weure. Dit mot garandere dat de toeriste neet oetgemergeld nao boete goon.

Daoneve zal de groete waterpartij un nuij soort toeristen goon trekken die aafkomme op de geplande diverse waterbed & breakfasts langs de oever .

Neet allein de omgeving zal greun ingerich weure, ouch 't hotel zelf zal gans milieuvreuntelik weure ingeriech. Zoe zal de helft van de sjtroum geleverd weure door de meule op 't plateau, de ander helft zal van zonnepanelen weure veurzeen boe van veer gehuurd höbbe dat dit binnen 6 jaor terökverdeend zal weure.

Neet allein de middensjtand profiteert van de bouw van dit vakantieresort, ouch de inwoeners en de verenigingen kinne heij van metgeneete. Veer h:obbe al planne gehuurd van lokale verenigingen die in willen sjele op dees ontwikkelinge. Zoe zal de loupersgroep De Bergrunners sjtraks ouch un zjwumafdeiling kinne : "de lookzjwummers", De vogelwerkgroep hêt al te kinne gegeve dat zee zich goon aafsjplitse en d'r un Vusjwerkgroep zal komme. Ouch komme d'r sjtraks un vusjerskoer en un waterfietsclub. Veur de watersjport is d'r al unne gegadigde de veur de verhuur van kano's wil regele.

Veer houwe t veur uch in de gaten



Situatie veur en nao de bouw van 't vekansieresort.



**Landschapsonderhoud
&
Loonwerken**

**H. Andriën
Bemelen**

G.S.M. 0651162099



Grondwerkzaamheden.
't Rooth 8, 6269 NV Margraten
0434072993 0653940355
e-mail: mnijskens@home.nl



camping mooi bemelen

Gasthuis 3, 6268 NN Bemelen, telefoon 043-4071321

Aardappelen, groenten, fruit,
meel en bakproducten



Vers Voordeel Vaessen
Oude akkerstraat 4
Bemelen
Tel 043-4078181



Doech met, en weur lezer van 't carnavalsseizoen 2013 !

In naovolging van dagblad de leugeneer organisere veer van de carnavalsvereniging same met d'r Tump ouch un "lezer van 't jaor" verkiezing of, in os geval, unme "lezer van 't carnavalsseizoen" Eederein kin met doen, 't is neet meuijlik, geer hoof bee de foto's allein mer 't gooje ondersjrif te keeze. Veul succes !!



Foto 1

- A. Stein liet zich door auw tesj op de kop zitte..
- B. Nuije Tambourmaitre veur Hermenie St. Laurentius
- C.

Foto 2

- A. Tommy kump eindelijk oet de kas met gay fororapportage veur os gezet.
- B. Boe iech miene sjek vandaan hool? Gewoen heij oonder mien erm kiek mèr..
- C. Opvolger Onslow in serie "Keeping up appearances" gevoonden in Bemelen





Foto 3

- A. Twie bloete batse en 'n bloetebatse geziech..
- B. Dreij onnuuzele in plaats van dreij Wijze bee alternatieve keersjsjtal Bemele
- C. Jonges, volges miech sjtoond d'r mèr ein sjter bove de keersjsjtal

Foto 4

- A. Carnavalsvereniging bleus 'ns good in de bus...
- B. Ganse raod van ellef hèt de bus gemis tijdens oetsjtepke raod.
- C. ..of ze zitte allemaal neve de chauffeur of ze zitte allemaal op de achterbank..



Foto 5

- A. "Ach doe ch miech e pèls?" iech dach dat ze zags "doech miech ach pèls...."
- B. Totale umzet vaan het WK feest in de zaal in beeld gebrach...
- C. Lei oefent veur titel Bemels Beste (Beertapper) 2013

Foto 6

- A. Opnames “herken de homo” in Bemelen.
- B. Toch vervolg op Oh Oh Cherzo, Bah bah Bemelen...
- C. Es geer de veurkant al sjoen vint, houwt geer de achterkant motte zeen...



Foto 7

- A. Regendans Jonkheid Bemele succesvol: processie aafgelas..
- B. Onnodig geweld in Bemelen, jongeman geschopt bij Mei-den
- C. Mos ze ze op t voetbalterrein zeen, dao zuut 't nog sjtommer oet.



Foto 8

- A. My name is Wolfs, Jordy Wolfs..
- B. Carnavalsvereniging zet lok-dames in veur nuij lede raod van ellef
- C. Het innigste wat nog ontbrik is unne mantel, un muts en unne scepter...



Foto 9

- A. Hangjoneren Bemele jaage keende roet hun keenderbadje..
- B. Nuij zjwumbad multifunctioneel sjportcentrum De Sjeutrel geopend.
- C. Afkeulingsperiode bee verhitte wedstrijd FC Bemele



Foto 10

- A. Boerum sjteit dis foto heij eigenlijk? Is toch niks raars bee Dion?
- B. Dion in de race veur de titel “gein geziech 2013”
- C. Pinda allergie brik Dion op nao Sjuif mer aan Sate bee cafe de Baskuul



Foto 11

- A. Rim in reclamefilmpje “Axe effect” ..
- B. Vrowluij Bemele probere Rim in unne preens te verandere door ‘m te puune..
- C. Vergeet Anton Heijboer met zien veer vrowluij, Hei is Rim Appeleboer met zien zeven vrowluij...





Foto 12

- A. Twie tonner bee 't haole Mei-den Jonkheid.
- B. Kint geer zeen welk vaat vol is en welk leig?
- C. Vanwege hoeg beerpreize nump Lei tegenwoordig zien eigen beer met es heer op sjtap geit...

Foto 13

- A. ...die is nog zoe nuij, die zit nog in de plestic
- B. Veilig vrije tijdens Carnaval: Nuij Vrouwencondoom ontwikkeld...
- C. Proef met 't Vacuum verpakke van vrowluij misluk: 't help waal tege bederve en tege ongewenste geurtjes mer is problematisch bee toiletbezeuk..



Geer kint uch gooj of verkierde antwoorden (of zelf verzonnen antwoorden) opsjture nao de redactie van dees gezet.
 Veer zeen ouch bleij met alle sjtom foto's die geer dis carnaval maak zoedat veer ouch volgend jaor weer zoe'n sjtom rubriek kinne make..

DE GERUCHTEMEULE DRIEJT WEER....

Weer 'n jaor um - wie auwer datste weurs, wie vlotter dat geit - dus is 't weer tied veur de Geruchtemeule, 't innigste sjtükske van dees gezèt woe in noets gelooge weurt. Dat wil zegke: neet vâol mieër es in de echte gezèt...

Kint geer die mop van die geite die nao Bemele zouwwe kome?
Die kaome neet...

Geer zult 't allemaol waal geleze hóbbe, mèr veur de luij die dè'n daag toevallig neet bee de lès waore, toch mèr eve ein korte samevatting van de historie.

In de nuuj auw sjoel van Bemele zouw 'n ecologies gezondheidscentrum kome, meldde de gemeinte begin veurig jaor. Ein centrum woe ze therapie wilde laote geve door ezele. Geer wèt waal: gries, lang oere, zoe köppig wie eine... nou ja, wie eine ezel, en 'n sjtum die-ste van in Bemele tot in Ulesjtraote kins huure es de weend good sjeit. Ezelke reeje sjeint gezoond te zeen veur luij die in de sjtress zitte, of zoegèt.

Enfin, in iersjte instantie zouwwe d'r in de wei tegeneuver de sjoel vief ezele kome. Mèr al gauw deeg 't geruch de rundte - en deze kier waore veer van de Geruchtemeule dao ins neet verantwoordelik veur... - dat dat d'r waal ins vâol mieër zouwwe kinne weure. D'r ginge zellefs geruchte - en nei, auch die kaome neet van os - dat 't d'r mesjiens waal twiehoonderd zouwwe kinne zeen.



Geer sjnap waal, dao sjtonge de luij van Bemele van op hun achtersjte puuj. Twiehoonder ezele in 'n dörrep woe al mieër es genoeg ezele roond loupe... Dat is ech te vâol van 't gooje. Dat voond zellefs menier pejtoer. "In de Keersj-sjtal moos Ozze Leven Hier 't tensjlotte auch mèt einen ezel zeen te redde, en dae sjeit neet ins in de Bijbel", zag heer. "En es einen ezel good genoeg waar veur Oze Leven Hier, wat moote die van Bemele dan mèt twiehoonderd? Die hóbbe toch gein ezele nuudig um zich wërrem te hauwte, want die hóbbe allemaol centrale verwèrmig..."

Mèr good, die ezele kome neet. Volges de bedeenkers van de planne umdat ze in Bemele gein wei kooste veende die groet genoeg waar veur

twiehoonderd ezele. Jao, jao... Dat zal waal... Kom mèr ins op 't

voetbalveld in Bemele kieke, op eine zoonfigmiddag. Dao loupe dan dèks tweeëntwintig ezele roond te hingste, en dan is d'r nog plaats zat... Nei, veer hōbbe huure fluustere dat achter de sjerre de plaatselikke carnavalsvereniging De Berggeitte actie haet geveurd bee de gemeente um dat ezele-plan tege te hauwte. Die zaoge al die ezele hielemaol neet zitte. "Veur datste 't wets, sjteit 't ganse dōrrep vol ezele, en woe moote dan al die geitte nao tow?", vroeg de prizzedent van De Berggeitte ziech aaf. "En wat te deenke van de vastelaovend? De Geittesjtal zuut nao de carnaval zoe-wie-zoe al oet wie eine vērrekessjtal, en es veer dan auch nog al die ezele euver de vloer kriege... Dan wuurt 't veur ooze potsploog ai-ai in plaats van ia-ia..."



Bee de gemeente waore ze dat waal mèt de Berggeitte ins. Dao hauwwe ze zoe-wie-zou al neet vāōl feduusie in dat ezele-project. Volges 't gemeintebesjtuur waor 't risico te groot dat mèt de koms van twee-hoenderd ezele 't gemiddelde intelligentieniveau van Bemele umhoeg zouw goon, en dan koste ze dao waal ins lēstige vraoge beginne te sjtelle. Euver 't onderhauwt van de wēeg of euver 't sjlupverkier en zoe... En bee de gemeente hauwte ze neet van lēstige vraoge. Want veur lēstige vraoge moote ze lēstige antwoorde bedeenke, en dan zouwwe ze auch nog ins ech moote goon wērreke. Wie de luij van dat ezeleproject 'n paar maond geleije leete weite dat ze toch lever nao Groesselt zouwwe goon, ging d'r dan auch eine zuch van verlichting door Bemele en door 't gemeintehoes. Twee-hoenderd ezele in Groesselt, dat moot kinne. Dat mērreke ze dao neet ins. Dao brik die éch 't zweit neet van oet. Die geve die ezele allemaol 'n pēkske en 'n geweer en dan maoge ze mèt loupe in de groete broonk. En es ze zich neet gedrage kinne ze ze nog altied nao Mestreech jage. Este hēl kins kwaake zonder nao te deenke vėlste dao toch neet op...

En die van Bemele? Die zitte noe nog altied mèt die nuuj auw sjoel te kieke. Die zal toch ins verkoch moote weure. D'r zeen, hōbbe veer gehuurd, al weer 'n paar nuij kandidaat-kuipers. Woe-oonder de firma Lis en Bedrog, die d'r gère 'n casino van zouwwe wille make. Mēr dao trap de gemeente neet in. Lis en Bedrog... Die hōbbe hunne naam al neet mèt. "Veer vertrouwe dat neet gans", zag de bōrregemeister, "en ze kinne os vertelle wat ze wille, mēr veer geluive neet in sprookjes."

Wach ins eve...

Wie waor de naam van die club van ezele-therapeute auch weer? Jao, inderdaad, de firma Hans en Grietje. Knibbel knabbel knuisje...


Dat waor 't weer veur dit jaor.

De Geruchtemeule hèt weer genoeg gedriejd. Mèr veer hauwte auch komend jaor de ontwikkelinge sjèrrep veur uuch in de gate. En volgend jaor bringe veer dao weer versjlaag van oet. Ierlik en zoonder te leege. Wie altied... Of geluif geer auch al neet in sprookjes?

**Dit gebeurt er
wanneer je
teveel melk drinkt
in plaats van bier!**



Kabelbreuk bliksemafleider Kerk Bemelen



Tja jonges dat kreig geer es geer te deep sjoffeld... En es geer dan toch de breuk aan 't zeuke zeet, begin dan aan de gooje kant te zeuke..

EVE 'N SJTUKSKE NATUUR...

Veer doen in 't carnavalsgezèt'sje miestal neet zoe vööl aan natuur - mèt carnaval dreenke veer allein mèr puur natuur... - mèr deze kier kinne veer d'r neet umheen. Biologe höbbe namelijk ontdekt dat Bemele 'n paradijs is veur bije. Ze höbbe heij in de aafgeloupe jaore zoe'n 25 nuij soorte bije ontdekt, soorte die nurreges anders in 't land veurkoomen. Um de bije-jagers neet op sjlechte gedachte te bringe, höbbe ze dat groetendeils sjtil gehauwte. In de gezèt höbbe ze allein mèr laote weite dat ze de veergroevige mergelbij gevoonde höbbe, en die is veur de mieste luij neet zoe interessant. Via-via is de redaksie van dees gezèt, altied op zeuk nao primeurs, echter aan de name van 'n aantal andere nuij bijesoorte gekome, en die wille veer uuch - 't geit tenslotte euver belangrieke weitesjappelijke ontdekkinge in Bemele - neet oonthauwte. Veer doen d'r auch 'n korte besjrieving bee, zoedat geer sjtraks, es geer per oongeluk gesjtooke weurt, tenminste wèt wát uuch gesjtoke haet...

De nuij ontdekte soorte zeen:

- De nabij (kint net zoe sjnel vleege, keump dus altied 'n tidsje nao de groete zjwèrrem.
- De voorbij (kint hiel good vleege, ligk dus altied vöör op de groete zjwèrrem, mèr is auch zoe weer weg, 't Zoeme kleenk 'n bitsje wie dat leedsje van Herman van Veen: opzj, opzj, opzj, maak plaats, maak plaats, maak plaats...)
- De bijvoorbeeld (is van ander bije te ondersjeije door häör veurbeeldig gedraag; vreug altied netjes um towsjtumming veurdát ze begint te sjteke...)
- De bijzonder (neet te verwarre mèt de bij-mèt. Bij zoonder angel, dus neet gevierlik.)









Fig 1 Vrouwthjesbij

- De dichterbij (poëtisch ingesjtelde bij, gespeesjaliseerd in 't veurdrage van korte gediechskes...)
- De bijrijder (weurt veural aangetroffe in de buurt van vrachtwages. Is te lui um te vleege, deit aan lifte...)
- De bijbal (bij die gein twie, mèr drei kluutzjes haet, Sjtint allein veur te kome in ein mannelikke versie. Woe de wijfkes oethange, is neet bekind).
- De bijbel (oondersoort van de bijbal. Haet behalve ein extra belke auch nog 'n extra klepelke...)
- De sambal bij? (sjerrepe bij, weurt in dees omgeving hiel dèks gesinjaleerd in de buurt van Chinese restaurants...)
- De bijgelovige (bij die 't waal geluif... Leet zich miestal neet zeen, blijf euverdag miestal in z'n nès ligke...)
- De bijles (bij die 't vak nog neet zoe good onder de kneej haet. Geit nao de bije-sjoel um dao 't ein en ander op te sjteke...)
- De bijna (liek waal op 'n bij, mèr is 't neet...)
- De om en nabij (ein zjwervende soort, die altied waal ongeveerèr urreges in de buurt is mèr mesjiens ach waal

hielemaol urreges andersj...)



Fig 2 Mannetjesbij



WIS GEER??? WIS GEER ???

- *Dat de Heemkundevereniging dit jaor de tiende Bemeler kalender haet oetgebrach, en dat tot noe tow geïne haet geklaag euver verkierde datums?*
- *Dat ze veur dae kalender de luij van Bemele gevraog hawwe um foto's van de sjoenste sjtökskes natuur in Bemele in te sjikke?*
- *Dat d'r in Bemele blikbaar nogal gèt luij roondloupe die ein gans eige opvatting höbbe euver natuurfotografie?*
- *Dat die veural foto's ingesjtueurd höbbe van puur natuurljke Bemelse sjtökke?*
- *Dat de Heemkundevereniging noe in eerder geval neet mieër nao hoof te deenke euver ein oonderwërrep veur de kalender van 2014?*
- *Dat veural de Joonkheid van Bemele zich dan mèr zoe'ne kalender aan moot sjaffe?*
- *Dat veer dat neet zoe bedoele wie geer deenk, mèr dat veer éch meine dat ze bee die club eindelijk ins eine gooje kalender mootte höbbe?*
- *Dat veer dan houpelik neet mie in juni nao 't plaatse van de mei-den hoove te kieke, en in september nao 't oktoberfees mootte goon?*
- *Dat Sinterklaos 't bee ziene intoch in Bemele deze kier moos zeen te redde zonder muzikale begeleiding van de herremenie?*
- *Dat die helaas neet mieër in de gelegenheid waore um Sinterklaosleedsjes in te sjtudere?*
- *Dat veer dat hiel logisch veende, want de moos die luij auch neet pas einen daag teveure laote weite dat 't weer Sinterklaos is...*
- *Dat Roger Kempinski, ein van die Bemeler loup-fanate, haet mètgedoon aan de Spartathlon?*
- *Dat 't häöm nao 125 kilomaeter hël loupe te vööl woort, zoedat heer moos sjtoppe?*
- *Dat heer noe besjlotte haet de volgende kier toch mèr te keeze veur de Spartamet-thon?*
- *Dat Henk Jacobs, nog zoe'ne hëllouper, oonderweeg altied opmërkinge maak euver de oonderbreuk van de dames die mèt loupe?*
- *Dat dat auch waal de reijje zal zeen woerum dae altied pas achter de dames aan d'n eindsjtrep keump?*



- Dat veer dao de oonderbroeke-lol dan waal weer van inzeen?
- Dat heer zelf trouwens roond lup in n ouw brook van Richard Kraijcek die heer gevoonde hèt op zolder?




- Dat ooze kastelein bee 't EK-voetballe ein geweldige actie haw bedach um mieër klante nao de Baskuul te lokke?
- Dat heer belaoftde um in de kaffee bee eeder goal van Oranje 'n gratis rundsje bitterballe te geve?
- Dat heer noe nog altied aan 't oetdeile is um nog veur 't WK in Brazilië door ziene veurraad bitterballe heen te kome?
- Dat de gemeente veurig jaor in Bemele 'n groete verkierscontrole haet gehauwte nao klachte euver sjluupverkier en te hël reijje?
- Dat dao-oet bleek dat de maximum-sjnelheid van 30 kilomaeter per oor eederen daag 'n paar hoonderd kier woord euvertreijje?
- Dat de wethauwwer daesondanks hiel tevreijje waor, umdat 85 procent van de auto's oonder de 43 kilomaeter per oor op de teller haw sjtoon?
- Dat d'r volges de wethauwwer mèr hiel wienig sjtraote in Nederland zeen mèt dat soort sjoen sjnelhede, en dat heer dus gein reijje zuut um dao gèt aan te doen?
- Dat veer dat sjnappe van eine wethauwwer dae Opreij hèt, umdat dae netuurlik gewind is um de gansen daag op en neer te reijje, en umdat dat neet opsjut este mèr 30 per oor maogs?
- Dat veer desondanks zouwwe wille dat heer de zake toch ins gèt beter op 'n reijke zouw zètte?
- Dat café 't Plateau toch weer aan 't dreijje is gekome?
- Dat veer dat aan de eine kant sjiek veende, mèr aan d'n andere kant auch weer neet, umdat veer noe dit jaor d'n

*optoch toch weer dao bove moote laote beginne in plaats van
bee Berregrös?*

- *Dat veer noe veur dit jaor waal weer genog deenger op 'n reijke
höbbe gezat?*
- *Dat veer de komende carnavalsdaag al weer beginne mèt 't
verzamele van allerlei sjaele zeiver veur 't gez~etsje van 't
volgend jaor?*
- *Dat veer houpe dat geer uuch dus de komende daag waal
good, mèr neet al te sjlum gaot gedrage?*

**Wis geer dat allemaol? Dan wis geer net zoe
vööl es veer...**



Carnavalsprogramma 2013



Zaoterdag 26 januari : Ouw Wieverbal met Prinsoetrope
'T Bal begint um 20.11 oor en de nuije Preens zal
um 22.11 oor weure oetgeroope.

Zoondig 27 januari: Keender-Zitting
Um 13.11 oor: Oploate van de Berggeit en ballonnen –
wedstrijd. Aansjletend optredens vaan diverse artiesten van
eigen bodem.
Met oetroope vaan de nuije Jeugdpreens en Prinses
's aoves : foto's ophange in Café de Baskuul

Zaoterdig 9 februari: Sjeleuteleuverdrach
Iers: Sleutel-Euverdrach In 't Gemeintehoes in Mergraote
(allein op oetnuudiging)
Um 19.30 oor: Sleutel-euverdrach van de parochie Bemelen.
's Aoves gunt de Groete en Kleine Prins mit hun gevolg nao
café "'t Plateau"

Zoondig 10 februari: Groet carnavalsbal
Groet Carnavalsbal in Café "'t Plateau"
Vanaaf un oor of 20.00 tot un oor of zoe

Maondig 11 Februari: Oetruste of nao Keer?
Jeugdpreensepaar mit ziene raad van ellef bezeuke de
keendercarnaval in Keer in 't Keerhoes.
Rustdaag Groete raad van ellef...(mèr ze zeen vas ouch in
keer....)

Deensdig 12 februari: Groete Carnavalsoptoch

Opsjtelle : 12.11 oor op 't Gasthoes

Vertrek : 13.11 oor

's middags en 's aoves springe in de zaal

Insjrieve veur de optoch

Deenk geer d'r aan dat geer uch op tied mot insjrieve es geer mèt wil doen in d'n optoch?

Insjriefformuliere zeen te downloaden op



www.berggeitte.nl

Lever ze in op tied in bee Gaston Ubachs (op 't Gastes, Gasthuis 75 Bemelen) Vol is vol !!

Asgoonsdig 13 Februari Hieringe-biete

De Prins en ziene raad nuudige uuch oet um same met hun um 19.00 oor de mis te bezeuke um 't Asse-kruiske te haole.

Daonao: Hieringe Biete bee Cafe de Baskuul



Pedro I
De Zonnekoning van Bemele



— *Terugverdeentied zes jaor, ja veur
miech is dat natuurlik nog korter...*



De kopere kromme

De ondersjeijing van de Kopere Kromme, 't iereteike van groete verdeenste veur de carnaval en de gemeinsjap Bemele in 't algemeen, weurt dit jaor oetegereik aan:

- De Heemkundevereniging Bemele, die d'r veur 't tiende opeinvolgende jaor in gesjlaag is eine kalender te prizzentere dae gans aan Bemele gewijd is. En deze kier - veur zoewied veer weite - zoonder foute...
- D'n drumband van hermenie Sint Laurens, dae in Odiliëberg - 't riek van de Berggeite mèt ein t in de naam...
- de mars- en concertwedstrijd van de Limburgse Bond van Tamboerkorpse haet gewonne. En neet zoemèr gewonne... Ze haolden in de derde divisie, sectie A, leefs 90,44 punte. Good veur eine iersjte pries mèt lof van de jury en promotie en de kampioenstitel...
- De jeugd van de Berggeitsjes, die aan hun 44^{ste} seizoen zeen begonne en dus veur 'n druk jubileumjaor sjtoon. Kinne ze die van de groete Berggeitte ins veurdoen wie dat moot, want die zeen


volgend jaor aan de beurt...

- De luij die in Bemele 't jeugdwèrrek opnuuj op de kaart hobbe gezat, en de jongste generaties noe weer regelmaotig eine hiele plezeerigen daag bezörrege. Wae durref noe nog te zegke dat d'r veur de jeugd niks te doen is in 't dörrep... ???
- Gérard - "zegk mèr Zjèr..." - Rademaker, umdat heer 30 jaor geleije 't initiatief haet genome veur de opriechting van de club van auwt-prinse van de Berggeitte, dao al de'n tied veurzitter van is gewaes, en noe pas de hamer neer haet gelag...

Zeuk de 11 versjille



Natuurlik zulle d'r vas wel wat versjille zeen, mer de euvereinkomsten zin minstens net zoe frappant.



..en maog geer wèlle weite wie 't veult um aaf te treije es
preens van de Berggeitte:
...dan veulste diech ech un Moos-kooj

Noch mie toekomstige oud-preense:



Sjtraotpreens Zjer Rademaker
..en Preens en preenses van de FC
Bemelen, Tommy en Lisanne

Jeugdpreensenpaar

Prins Ward & Prinses Nikita



CV de Berggeitjes

Leef Berggeitsjes en Berggeitte

Uzze tied es jeugdpreensepaar is bijnao veurbee. Veer kinne allein mèn zegke dat veer unne hiele leuke tied höbbe gehad en blij zeen dat veer jeugdpreens en jeugdpreenses zeen maoge weure.

Veer höbbe allebei Opa's die ouch preens zeen gewès, Preen Eduard I en Preens Pierre II, en veer zeen d'r gruutsj op dat veer hun höbbe maoge opvolgen. Veer houpe dat zee ouch gruutsj op os zeen.

Veer motte noe gaon aaftreije en ouch dat zal weer hiel sjpannend zeen veer os. Mèn neve 't verdreet van 't aaftreije zulle veer altied terugk kieke op unne geweldige carnaval 2012-2013, met un geweldige en veural lange optoch en hiele leuke zittinge, leuke felicitaties en kadootjes en hiel veul sjpass en plezeer.

Gère wille veer groete preensepaar Jos I en Hannie bedanke dat zee us altied en euveral bee höbbe betrokke. Veer houwe gein betere "preenseouwers" kinne höbbe.

Veer weite natuurlik neet wè os geit opvolge, mèn veer weense hun net zoene leuke carnaval touw es veer gehad hobbe.

Tot sjlot veur de allerletste kier:

Berggeitsjes Alaaf

Carnaval: Alaaf

Bemele: Alaaf

EVE NAOPRAOTE EUVER 'T WK FIETSE..



't Waereldkampioensjap fietse is weer achter de rügk, en volges de deskundige is 't ein groet succes gewaes. Auch in Bemele. Mèr achter de sjërreme weurt toch waal euver 't ein en ander gaklaag. Via oos sjpionne in 't gemeintehoes zeen veer d'r achter gekome dat 't gemeintebesjtuur achter gesjloote deure (in 't geniep, dus) ein evaluasie-gesjprek haet

gehauwte, woe-bee ze alles nog ins good op 'n rijke hóbbe gezat.

Dao-oet is ein zoegenaamd 'verbeterplan' gekome, woe-in de gemeente vas haet gelåg wat d'r de volgende kier allemaol beter kint (en beter moot). De redaksie van dees gezèt haet de hand weite te lègke op 't hoofjtük dat euver Bemele geit. Veer wille uuch dao de drei hoegtepunte oet mètgeve:

De training van de knokploog moot forsj verbetere. De knokploog waar opgeriech um d'r veur te zörrege dat veer weer ins eine Nederlandse (en leef's eine Limburgse) waereldkampioen zouwwe kriege. Zee mooste de boetelènders op alle meugelijke maniere de voot dweersj probere te zètte. Wie geer wèt, is dat neet gelök. De ploog die 't plan haw um tössje Bemele en Sub 's nachs ein laog plèksel op de weeg te lègke zoedat al die boetelèndersj zich vàs zouwwe vare - Hollènders blieve nurreges plekke, want dat kòs hun te vööl - haw per oongeluk gein plèksel mèr verref mètgenooime. Wat waal kleurig oetzaog, mèr woe weijer geine 'n sjteek mèt opsjoet. En de speesjaliste die op diverse plaatse langs de weeg sjtonge um boetelandse kanshóbbers desnoods van de fiets aaf te houwwe, leete 't auch vies aafweite. Ze kaome mèr eine kier kort genoeg bee eine um gèt te probere, en toen hawwe ze de verkierde - Cavendish, dae tóch neet wow winne... - en ze heeve d'r auch nog neve... Dat moot volgende kier beter, vindt de gemeente. D'r weurt noe gedach aan 'n trainingskamp in Eys, woe ze ziech gespesjaliseerd hóbbe in de techniek van 't negelkes sjtruije...



De festiviteite roond 't WK-parkoer in Bemele moote andersj aangepak weure. Bee 't feeske in 't gemeinsjapshoes kaome mèt 'n sjtuk of tien bezeugers opdaage - ongevaer eve vööl es d'r artieste optrooje - en dao weurste neet vrolik van. Um nog mer te zjwiege van 't beer woe-ste mèt blijfs zitte. De gemeente is bezig mèt 'n plan um de volgende kier 't parkoers zoe te verlèkke, dat de rennersj eedere runde dweersj door 't gemeinsjapshoes moote vare. Daoveur moot waal 't kèrrekwaegske op de sjùp, en auch moote de kèrrektrappe veurzeen weure van 'n hellingbaan zoedat de fietserenners neet aaf hove te sjtappe (bove zeen dan extra punte te verdeene veur 't bèrregklassesmint...), mèt dat is volges de gemeente gein probleem. Normaal is dao gein geld veur, mèt es ze op de tillevisie kinne kome, veende ze in Merregraote altied waal 'n pötze um alle heendernisse oet de weeg te ruime en gaater te vulle...

Bee de ravitaillering op 't Gastes weurt de volgende kier speesjaal veur de Hollandse fietserenners 'n fietse-wisselpunt ingeriech.

Dao kinne ze - en dat is éch nog geheim, dus neet weijer vertèlle - hunne gewoene racefiets inruile tege eine fiets mèt hulpmotor, zoedat ze de rès tenminste bee kinne houwte. De raodsfractie van 't Samewèrrekiingsverband Wiel Dreesse haet nog veurgesjtèld um 't parkoers in Bemele um te driejje, zoedat de renners de volgende kier de Bemelerberg allein mèt aaf hoove te fietse - volges Dreesse hóbbe os eige kampioene dan gèt mieër kanse - mèt volges de bërregemeister zouw de Waereldfietzersbond dao 'n sjtèkske veur sjteke. Wat volges Dreesse gein probleem hoof te zeen, zoelang ze dat sjtèkske mèt bee de gooie tössje de sjpake sjteke...



Geer mèrrek waal 't WK fietse hèlt os nog waal 'n tiedsjje bezig. En de luij van Bemele? Die veende 't prima. Die zouwwe gère zeen dat 't WK eedere veer jaor door 't dörrep zouw kome. Dat geuf waal 'n paar daag euverlas, mèt dan weite ze tenminste zeker dat de gemeente de weeg in orde hèlt...

Groen is leven
boomkwekers zorgen ervoor

**Sjef Frijnts
en Zn**

T. 043 - 458 1317

www.boomkwekerijfrijnts.nl

Wij nodigen U uit voor een lekker hapje en drankje
Zonnig terras in prachtig wandel en fietsgebied

**CAMPING
VINKENHOF**

café - restaurant
VIVA LA VINK

Engewegen 2a
6305 PM Schin op Geul
043-4591389

DE MEEST COMPLETE DIERENSPECIALZAAK !

Conjart

huisk-, tuin-, diervoeders en benodigdheden
werk-, veiligheidskleding en veiligheidsschoenen

Rijksweg 46
Meesseirgweg 1
6325 BZ Berg en Terblijt

Tel. 043-604 17 43
Fax 043-604 20 69

ASK **ad** **AUTOBEDRIJF**

AutoService Keer Kerkstraat 38a, 6367 ED Cadier en Keer
Tel. 043 - 407 2727 - Fax 043 - 407 2733

TIPS VEUR VASTELAOVEND IN DE CRISIS

Dat 't crisis is, weite veer noe waal.

En dat carnaval d'r aan keump, weite veer auch.

Mèr wie vierste carnaval in de crisis?

De redaksie van dees gezèt haet mèt 'n aantal deskundige um de taofel gezete, en haet veur uuch 'n aantal tips genoteerd um oondanks de crisis toch op 'n gooj manier vastelaovend te kinne viere:

- *Zörreg veur genoeg drank. Drank maak vergeetechtig, en de bèsste manier um vastelaovend te viere is drei daag langk alles vergete. Op Asgoonsdig sjut 't uuch waal weer te binne, mèr dat is neet erreg, want es geer genoeg gedroonke höb, höb geer dan zoewiezoe al eine crisis...*
- *Gaot mèt de vastelaovend neet op wintersjport. Dat is duur, 't is dao koud, en mèt 'n bitzje pech komp geer mèt gebroke kneuk trügk. Vier leever vastelaovend in Bemele. Dao zeen de bërreg neet zoe hoeg, in de Geittesjal sjtaot geer zoe kort opein dat 't dao altied lekker wèrrem is, en dao breke huugstens 'n paar glazer. En es geer tòch persé de bërreg aaf wilt sjievele: es 't toevallig sjniejt, sjtruijje ze in Bemele toch 't lètste...*
- *Koup uuch 'n heudsje, eine toeter en 'n hamfel confetti, en blief die drei daag thoes veur de tillevisie zitte. Dao is altied waal gèt van de vastelaovend te zeen, op L1 of op de Pruusj. Roop zoe noe en dan 'Alaaf!', bloos eve op de toeter e geer nao de WC gaot, en sjtruij um de anderhalf oor 'n bitzje confetti door de kamer. (PAS OP: veer kinne dees oplossing neet aanbevele, mèr goodkoup is 't zeker. Hiel erreg gezellig, auch. Este toevallig Hollènder bès... Bèsste van Bemele, dan kinste van dees methode ein PCT oploupe. Ein Post-Carnavalistisch Trauma. En dao bèste nog neet vanaaf...)*
- *Loup oonder d'n optoch mèt eine umgedriejde paraplu bee de prinsewage, en probeer al die keender te sjnel aaf te zeen es d'r sjloek weurt oetgegoejd. Dat is good veur die keender - die hoove dan nao vastelaovend neet metein nao de tandarts - en good veur uuch - geer kint in de weke nao*

vastelaovend besjpare op 't ete. Es de prins de gooj toffees oetgoeft, plekke uuch de kake zoewiezoen 'n paar weke opein...

- *Dreenk uuch beer door 'n rietsje. Dan höb geer d'r neet allein langer van, geer höb d'r auch mieër plezeer van. En geer hoof neet bang te zeen dat geer de kater gaot misse, want dae keump vreuger es geer deenk. Gaot mèr nao: wie gauwer dae kater keump, wie minder tied dat geer kwiet zeet um op 'm te wachte. En tied is geld. Dat höb geer dan auch weer besjpaard...*

Geer mèrrek waal: geer hoof de vastelaovend auch dit jaor neet te laote. En es geer dees tips mèr kwatj vindt, dan höb geer nog geliek auch. Crisis of geine crisis, goej uuch mèr ins fleenk d'r door. Dan kint geer d'r veur de res van 't jaor weer tege...

Advertentie



Crisis tip: "De Beer-boek"

Ouch handig in deez duur tijde: num d'n eige beer met, noe in handige draagbare verpakking van 2,5 liter. Ouch veur mansluj met un sixpack.


Beekommend veurdeil:
Wie mier ste dreinks,
wie kleiner diene beer-
boek weurt.



Hierenzitting



Keenderzitting



Vrouwlijzitting

(bril omhoog)



Eeder z'n eigen zitting....



Bekendmaking

Om tegemoet te komen aan de vraag naar woonruimte in de gemeente Bemelen zal er op het nieuwbouwplan “de keersjeweï” gewerkt worden aan nieuwe hoogbouw. De bouw van de hoogbouw, die uiteindelijk 10 verdiepingen zal tellen vordert gestaag. Geïnteresseerden kunnen hun interesse kenbaar maken bij de Gemeente Eijsden-Margraten. Brieven onder nr 1111.




Verbouwpplanne aan de Kerreksjtraot..



Natuurlik waore Peter en Bianca blij met hun huuske aan de kerreksjtraot (St. Laurentiussjtraot veur neet ingezetene) mèr al gauw bleek dat zee toch ein en aander wille verbouwe aan hun nuij sjtulpe. Es ze dan toch neve de mam (of sjoenmam) kumps te woene dan mos te daor natuurlik waal van profiteere. Veer hòbbe de bouwplanne op de Gemeinte ter inzage gekrege en wèlle ze heij gère met uuch deile:

1. Aafgrave oprit zoedat Peter ziene Truck neve 't hoes kin parkere
 2. Garage weurt verbouwd tot zoepkeet, woerum liek us dudelijk
 3. Keenderkamer in etages ivm planne twieling
 4. Bed met geluidsisolatie (zoedat zee rustig kinne sjlaope es Marleen teveul kabaal maak).
 5. Ruimte veur kamerplanten op de zolder (veensterbanke zeen te sjmaal)
 6. Woksjetel, um Chinees te kinne ontvange
 7. gezamenlijke sjouw, hoof d'r ouch mer eine kier gesjtook te weure
 8. sjpeulzolder bee de Oma met ouwt sjpeulgoed van Peterke
 9. Wastunnel, zoedat mam de voel was kin blieve doen
 10. Eetensluik in de keuke, rechstjreeks verbeending met de keuke van mam, besjpaart op plaatse nuij keuke.
 11. Sauna, sjpecial veur Marleen. Zee hèt vreuger get afgezwèt met die ouw kloete van Peter, noe kin ze dao veur nao de Sauna.
- + Es nog get geld euver is... Binnezjwumbad in de kelder



ZITTING 2013

